

初十日復逆流上永安溪泊榕溪其地爲南平沙縣之中各去六十里先是浦城之溪水小而永安之流暴漲故順逆皆遲

十一日舟曲隨山西南行亂石崢嶸奔流懸迅二十里舟爲石觸榜人以竹絲綿紙包片木掩而釘之止湧而已又十里溪右一山瞰溪如伏獅額有崖兩重閣臨其上崖下圓石高數丈突立溪中於是折而東又十里月下上一灘泊於舊縣十二日山稍開西北二十里抵沙縣城南臨大溪雉堞及肩卽溪崖也溪中多置大舟兩旁爲輪關水以舂西十里南折入山間右山石骨巉削而左山夾處有泉落均隙如玉筍又